

MOTŠHELO WA BANAMEDI BA SEFOFANE

Na ke eng?

Ka 2000 Tona ya Ditšhelete e tsebišitše gore Motšhelo wa Banamedi ba Sefofane (APT) o swanetše tlhongwa go banamedi ba go lefišwa go difofane tša go lefelwa tše di tlogago ka boemafofane bja Repabliki go ya ka ntle ga Repabliki. Se se tla phethagatšwa go dikhamphani tša ditšhatha. Go hwetša tshedimošo e nngwe šupetša go Karolo 47(B) ya Molao wa Khasom le Motšhelophahlogae, Nom. 91 wa 1964.

Na ke motšhelo wa go lebišwa go bomang?

Motšhelo ga o dirišwe go difofane tša go fofela mo gae. O dirišwa fela go banamedi ba go lefišwa ge ba fofa ka sefofane sa go fofela ka dinageng tša ka ntle. Baotledi (ba sefofane), Diagente tša go ngwadišwa (bao ba emego legatong la mootledi) goba dikhamphani tša ditšhatha di tla lefišwa tefelo ya APT go SARS kgwedi ka kgwedi morago ga ge poelanyo ya banamedi e dirilwe. Difofane tša go se nametše banamedi (dithoto) di tla kgopelwa go ngwadiša bakeng sa APT eupša di ka se lefišwe ditfefelo tša APT.

O ka ngwadiša bjang?

Baotledi ka moka (ba difofane), diagente tše di hirilwego le dikhamphani tša tšhatha di swanetše go ngwadiša bakeng sa motšhelo wo gomme se se ka diragala fela ka go Ofisi ya Lekala ya Khasom le Motšhelophahlogae ka Boemafofane bja Ditšhabatšhaba bja OR Tambo (ORTIA).

Mootledi yo mongwe le yo mongwe goba khamphani ya tšhatha ba swanetše go tlatša [APT102 ge eba mootledi o hloka go thwala agente foromo ya APT101](#) e swanetše go tlatšwa gomme ditokumente tše di latelago di swanetše go tlhongwa:

- Khophi ya ditokumente tša ngwadišo ya khamphani (yeo e phatlaladitšwego ke Morejistara wa Dikhamphani le Dikoporasi tša go Tswalelwa);
- Khophi ya Setifikeiti sa Baotledi (ya go phatlalatswa ke ba Taolo ya Difofane tša Selege tša Afrika Borwa);
- Bohlatse bja dintlha tša go panka (lengwalo la go tša pankeng la go tiišetša dintlha goba tšeheke ya go khanselwa); le
- Ditokumente/tshedimošo enngwe bjale ka ge e nyakwa ke Khomišinare.

Ge tša ka godimo di amogetšwe di tla tsenywa ka go sisteme ya APT gomme khoutu ya APT e tla fiwa mootledi yo a dirilego kgopelo ya ngwadišo.

Na o swanetše go lefelwa neng gape o ka lefelwa bjang?

Mootledi, agente yeo e hirilwego goba khamphani ya tšhatha e na le maikarabelo a go lefela SARS, mo matšatšing a 21 mafelelong a kgwedi yeo tšhelete e kolekilwego. Moo letšatši la bo 21 e sego "Letšatši la kgwebo" tefelo ye e swanetše go dirwa ka goba pele ga letšatši la mafelelo la "Letšatši la kgwebo" pele ga letšatši la bo 21 go efoga tefelo yeo e ka oketšago tswala le kgonagalo ya dikotlo.

Ge eba ga se go tšhwe go ngwadišwa go SARS eFiling bakeng sa metšhelo e mengwe go a hlokega go tšwa go Mootledi, agente e hirilwego goba khamphani ya tšhatha go ngwadiša le go diriša tirelo ya SARS eFiling ge go dirwa tefelo. Mekgwa e mengwe ya go dira tefelo bjalo ka go panka ka inthanete goba tefelo go lekala la panka e dumeletšwego e ka dirišwa fela mo mabakeng a kgethegilego.

Dipotšišo kakaretšo mabapi le APT di ka lebišwa go airtax@sars.gov.za goga go Fili James ka ORTIA go 011-571 5011 goba go fjames@sars.gov.za.